




Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 11 (12.572)

Баҳоси эркин нарҳда

ПОЙТАХТНИНГ БИР КУНИ



Иқтисодиёт

СИФАТЛИ МАҲСУЛОТЛАР — ЭЛ ДАСТУРХОНИГА

Ички бозорни мамлакатимизда ишлаб чиқарилган янги ва сифатли маҳсулотлар билан тўлдириш иқтисодиётимизни ривожлантиришнинг устувор йўналиши ҳисобланади.

Бугун тадбиркорлик субъектлари янги маҳсулот турларини ишлаб чиқаришни фаол ўзлаштирмоқда. Бу экспорт салоҳиятини кенгайтириб, мамлакатимиз салоҳиятини турли халқаро кўргазма ва ярмаркаларда намойиш этмоқда. Бу тадбиркорларимизга янги технологиялар ва ишлаб чиқариш усулларини ўзлаштириш, хорижий ҳамкасблар билан тажриба алмашиш, маҳаллийлаштириладиган маҳсулотлар турларини кўпайтириш имконини бераётди.

Чилонзор туманидаги «Тошкент сифат сўт» масъулияти чекланган жамияти фаолияти бунга яққол мисол бўла олади.

«Тошкент сифат сўт» масъулияти чекланган жамияти директор ўринбосари Баҳриддин Абдуллаевнинг айтишича, 2012 йилнинг кузида ташкил этилган мазкур корхона ички бозор учун сўт маҳсулотлари ишлаб чиқариш билан шуғулланади. Йилига уч юз олти тоннадан зиёд маҳсулот ишлаб чиқариладиган корхонада тўқсондан зиёд киши меҳнат қилмоқда.

Германия ва Россияда ишлаб чиқарилган замонавий ускуналар корхонада юқори сифатли ва рақобатбардор маҳсулот ишлаб чиқариш имконини бермоқда. Бу ерда тайёрланаётган «Сифат сўт» ёрлиқи, бежирим қадокланган қаймоқ, сметана, пишлок, творог каби сифатли маҳсулотлар савдо дўконларига етказиб берилмоқда. Корхона сўт маҳсулотларини тайёрлашда юртимизнинг турли ҳудудларидаги фермер хўжа-

ликларидан олинadиган маҳаллий хомашёдан фойдаланмоқда. Бу эса корхонанинг йил давомида узлуксиз ишлашини таъминлайтир.

— Хомашё лабораторияда мукамал текширувдан ўтказилади, — дейди лаборатория муҳандиси Марила Эшонхонова. — Аввало сўт ҳарорати текширилади, у етарли даражада совутилган бўлиши керак. Сўнгра сифати, тозалиги, ранги, ҳиди, зичлиги каби кўрсаткичлар давлат стандартлари асосида назоратдан ўтади. Энг охирида тайёр маҳсулотларни истеъмолга яроқлилик даражасини яна бир бор синовдан ўтказиб, дўконларда сотишга руҳсат берамиз.

Айни вақтда корхонада саккиз турдаги 32 хил сўт маҳсулотлари ишлаб чиқарилаётди. Беш қават химояланган картон қутилардаги мевали йогурт, биокефирлар таркибига фойдали, табиий элементлар ва қўшимчалар қўшилгани уларнинг харидорлигини янада оширмоқда. Ҳозирда Тошкент шаҳридаги ва Самарқанд вилоятидаги уч юздан зиёд дўконлар орқали ҳар куни 2-3 тонна маҳсулот сотилмоқда.

«Тошкент сифат сўт» яқинда иш бошлаганига қарамай, турли халқаро тадбирларда муносиб иштирок этиб келмоқда. «Соғлом бола йили» да корхона ишлаб чиқариш қувватларини янада ошириб, маҳсулотлар турини кўпайтириш орқали қўшимча иш ўринлари яратишни режалаштирмоқда.

Хўлола ВОҲИДОВА

ТАЪЛИМ СОҲАСИДАГИ ҲАМКОРЛИК МАСАЛАЛАРИГА БАҒИШЛАНДИ

Яқинда Токио Хорижий тадқиқотлар университетида (Tufs) IV Ўзбекистон — Япония академик форуми бўлиб ўтди. Унда Васеда, Нагоя, Мейжи ва Цукуба университетларининг профессор-ўқитувчилари ҳамда Кунчиқар мамлакат олий ўқув юртларида таҳсил олаётган ўзбекистонлик талабалар қатнашди.

Тадбир чоғида ижтимоий-иқтисодий ва маданий-гуманитар соҳаларда Ўзбекистон — Япония ҳамкорлигининг замонавий ҳолати ҳамда унинг ривожланиш истиқболларига бағишланган қатор маърузалар тингланди.

Анжуманнинг очилишида сўзга чиққан Токио Хорижий тадқиқотлар университети вице-президенти К. Хаяши хоним мамлакатларимиз ўртасида таълим жабҳасидаги ҳамкорликни янада чуқурлаштириш ва унинг қўламлигини кенгайтириш масаласига Япония катта эътибор билан қарашини маълум қилди. Унинг айтишича, ҳозирги вақтда Токио университети томонидан Ўзбекистон олий ўқув юртлари билан сермахсул алоқалар йўлга қўйилган. Буни қатор қўшма илмий-тадқиқот лойиҳаларининг ҳаётга татбиқ этилаётганида ҳам кўриш мумкин.

К. Хаяши Япония таълим муассасаларида таҳсил олаётган ўзбекистонлик талабаларнинг билимга чанқоқ ва тиришқоқлиги ҳақида тўхталар экан, бу республика раҳбарияти томонидан барқамол авлодни тарбиялаш масаласига қаратиладиган улкан эътиборнинг натижаси эканлигини таъкидлади.

Токио Хорижий тадқиқотлар университетининг Ўзбек тили факультети раҳбари, профессор Х. Комацу икки мамла-

кат илм-фан доиралари вакиллари ўртасида ўзаро фикр алмашиш учун қулай ва самарали минбарга айланган Ўзбекистон — Япония академик форумининг ишига юксак баҳо берди. «Дарҳақиқат, ўзбекистонлик талабалар фаннинг иқтисодиёт, тилшунослик ва ҳуқуқшунослик сингари йўналишларида чуқур билимларга эга эканликларини намоян қилишмоқда. Ҳозирги вақтда факультетимизда 25 нафар япон талабаси ўзбек тилини ўрганапти. Биз ўзбекистонлик ҳамкасбларимиз билан ҳамкорликни янада кенгайтириш ва уни янги мазмун билан бойитиш истигадимиз», деди япон профессори.

Университет талабаси У. Хирота республикамизда таълим жабҳасида рўй бераётган кенг қўламли ўзгаришлардан яхши хабари бор эканлигини маълум қилди. — Ўзбекистон бўйлаб сафарим чоғида кўнглим ўлкангиз бағрида қад кўтарган тарихий шаҳарларнинг маҳобати, бетақдор гўзаллиги ҳамда ўзбек халқининг самимияти ва меҳмондўстлиги менда унутилмас таассуротлар қолдирди, — деди у.

Бўлиб ўтган анжуман доирасида Ўзбекистоннинг маданий-тарихий мероси тақдироти ҳам ўтказилди.

«Жаҳон» АА, Токио

Мамлакатимизга ташриф буюрган Япония ички ишлар ва коммуникациялар вазирининг ўринбосари, Парламентнинг вакиллар палатаси депутаты Йоко Камикава хоним раҳбарлигидаги делегация аъзолари Ўзбекистон Республикаси алоқа, ахборотлаштириш ва телекоммуникация технологиялари давлат қўмитаси раиси Хуршид Мирзоҳидов билан учрашди.

ЯПОНИЯ ДЕЛЕГАЦИЯСИ ЎЗБЕКИСТОНДА

Мулоқот чоғида Ўзбекистон билан Япония ўртасидаги алоқалар кўламли йўналишларда, жумладан, ахборот-коммуникация технологиялари соҳасида ҳам жадал ривожланаётгани, бунда икки давлат раҳбарларининг учрашувлари чоғида эришилган келишувлар муҳим ҳуқуқий асос бўлиб хизмат қилаётгани алоҳида таъкидланди.

Ўзбекистон билан Япония ўртасидаги ўзаро муносабатлар 2002 йилда имзоланган Дўстлик, стратегик шериклик ва ҳамкорлик тўғрисидаги қўшма баёнот руҳида изчил ривожланмоқда. Хусусан, ахборот технологиялари ва телекоммуникациялар соҳасидаги ҳамкорлик қўламини тобора кенгайтиб бормоқда.

Президентимиз Ислам Каримовнинг 2013 йил 27 июндаги қарори билан тасдиқланган 2013-2020 йилларда Ўзбекистон Республикасининг Миллий ахборот-коммуникация тизимини ривожлантиришнинг комплекс дастурида ахборот ресурслари ва тармоқларини жадал тараққий эттириш, давлат бошқарувининг барча жабҳаларида ахборот-коммуникация технологияларини кенг жорий этиш, «электрон ҳукумат» тизимини ривожлантириш, телекоммуникация тармоқлари-

ни такомиллаштиришга қаратилган муҳим вазифалар белгиланган. Давлатимиз раҳбарининг 2013 йил 20 сентябрда имзоланган «Мамлакатимизнинг дастурий таъминот воситалари ишлаб чиқувчиларини рағбатлантиришни янада кучайтириш чора-тадбирлари тўғрисида»ги Қарори дастурий ишланмаларни қўллаб-қувватлаш, ахборот-коммуникация технологияларини янада ривожлантиришда муҳим оим бўлаётди.

Меҳмонларга мамлакатимизда ахборот технологиялари ва телекоммуникациялар тармоқини изчил ривожлантириш, бу йўналишда халқаро ҳамкорликни мустаҳкамлаш борасида амалга ошириладиган кенг қўламли ислохотлар ҳақида маълумот берилди.

Президент Ислам Каримов раҳнамолигида Ўзбекистонда ахборот-коммуникация технологияларини ривожлантириш борасида амалга оширилаётган ислохотларни юксак баҳолаймиз, — деди Йоко Камикава. — Миллий ахборот-коммуникация тизимини ривожлантиришнинг комплекс дастури ишлаб чиқилгани ва изчиллик билан ҳаётга татбиқ этилаётгани эътиборга лойиқ, Япония компаниялари Ўзбеки-

тонда рақамли телевидение-ни жорий этишда фаол иштирок этмоқда. Бундай ҳамкорликни янада кенгайтириш, жумладан, қишлоқ ва сув хўжалиги, атроф-муҳит муҳофазаси, соғлиқни сақлаш ва табиий офатларни бартараф қилиш соҳаларида ахборот-коммуникация технологиялари фойдаланишга қаратилган лойиҳаларни амалга ошириш тарафдоримиз.

Музокарада Ўзбекистон билан Япония ўртасидаги телекоммуникация соҳасидаги ҳамкорликнинг бугунги аҳоли ва истиқболлари, ахборот-коммуникация технологиялари тармоғида ўзаро ҳамкорликни янада кенгайтириш, бу йўналишда кадрлар тайёрлаш ва мутахассислар малакасини ошириш масалалари юзасидан фикр алмашилди.

Ўзбекистон Республикаси Алоқа, ахборотлаштириш ва телекоммуникация технологиялари давлат қўмитаси билан Япония Ички ишлар ва коммуникациялар вазирлиги ўртасида ахборот-коммуникация технологиялари соҳасида ҳамкорликка оид меморандум имзоланди.

Япония делегацияси аъзолари шу куни Ўзбекистон Республикаси Ташқи иқтисодий алоқалар, инвестициялар ва савдо вазирлиги, Соғлиқни сақлаш вазирлиги, шунингдек, Олий Мажлис Қонунчилик палатасида ҳам музокара ўтказди. Учрашувларда икки томонлама ҳамкорликни янада ривожлантириш масалалари муҳокама қилинди.

Ирода УМАРОВА, ЎЗА мухбири



МАМЛАКАТИМИЗДА

Жиззах вилояти ҳокимлиги ҳузурда Ўзбекистон Республикасининг «Фуқароларнинг ўзини ўзи бошқариш органлари тўғрисида»ги қонуни талаблари асосида ўзини ўзи бошқариш органлари ходимлари малакасини ошириш бўйича ўқув курси ташкил этилди. Айни пайтда ўқув курсининг бошқаруви, ўқув-методик ва ташкилий масалалар бўлими, ҳисобчилик штатлари жорий этилиб, уларни молиялаштириш манбалари белгиланди.

Қашқадарё вилоятида экспорт-боп маҳсулотлар ишлаб чиқариш ускуналари ҳамда техникалари сотиб олишни лизинг асосида молиялаштириш кичик бизнес ва хусусий тадбиркорликни ривожлантиришнинг омиларидан бири эканлиги ҳақида семинар бўлиб ўтди. Унда тиббиёт ускуналари, шунингдек, асарларчилик, паррандачилик ва боғдорчилик тармоқларида фойдаланиладиган ҳамда терини қайта ишлайдиган мосламалар, тўқимачилик дастгоҳларига қизиқиш билдирилиб, техника ва технологияларни етказиб берувчи фирма ва компаниялар билан тадбиркорлик субъектлари ўртасида кўплаб шартномалар имзоланди.

16 минг нафар аҳоли истиқомат қилаётган Қоровулбозор туманида айни пайтда 300 дан зиёд кичик корхона ва микрофирмалар фаолият кўрсатяпти. Нон ва қандолат маҳсулотлари ишлаб чиқаришга ихтисослаштирилган «Қумри Адиз мўъжизаси» хусусий корхонаси ана шулар сирасига қиради. Йилига 730 тонна маҳсулот ишлаб чиқариш қувватига эга мазкур линия шарофати билан корхона миқозлари сони икки баробар ортди.

Ховос туманида «Ўзбектелеком» акциядорлик компанияси томонидан бир йўла тўртта лойиҳа амалга оширилиши муносабати билан 104 та иш ўрни яратилди. Уларнинг энг йириги яқинда фойдаланишга топширилган маиший хизмат кўрсатиш уйи бўлиб, у 500 миллион сўмлик маблағ эвазига ташкил этилди. Айни пайтда бу ерда интернет, кийим-кечакларни кимёвий тозалаш, маиший техника воситаларини таъмирлаш каби 8 турдаги хизматлар аҳолига кўрсатилмоқда.

ЖАҲОНДА

Ўтган йили Европа самолётсозлик корпорацияси — «EADS»нинг буюртмалари сони саксон фоиз ошган. Аниқроғи, мазкур даврда у 1503 та самолёт етказиб бериш учун шартнома имзолаган. Бу миқдор «EADS» фаолиятидаги рекорд кўрсаткич ҳисобланади.

АҚШнинг қадимий олтин танга пулларида бир донаси кимшошди савдосида 4,58 миллион АҚШ долларига сотилди. 1787 йилда чекланган миқдорда зарб қилинган ушбу чақанинг оғирлиги 26,6 грамм. Унинг қиймати эса ўша пайтда 15 АҚШ долларига тенг бўлган.

Калифорния яриморали жанубидаги Охо-де-Льебре кўрфазидан бири-бирига қўшилган ҳолда туғилган эгизак кулранг кит болаларининг жасди топилди. Эгизакларнинг бўйи икки метрдан бир оз узун. Аслида эса кулранг китларнинг боласи 3,5 метрдан 5 метргача узунликда туғилади. Шу боис олимлар улар муддатидан олдин дунёга келганини тахмин қилишмоқда.

ҚИСҚА САТРАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ЭРТАГА** Тошкент Давлат юридик университети қошидаги академик лицейда «Қамолот»

ЁИХ Сергели туман Кенгашининг ҳисобот сайлов конференцияси ўтказилади.

✓ **ЭРТАГА** Ҳамза туманидаги «Бойқўрғон» маҳалла

фуқаролар йиғинида бўлиб ўтадиган давра суҳбати «Гиеҳвандлик инсоният душмани» мавзусига бағишланади.

✓ **ЭРТАГА** Мирзо Улуғбек тумани ҳокимлигида «Ўздавкитоб савдо таъминоти» МЧЖ савдо ташкилотининг «Китоб байрами» тадбири ташкил этилади.

Тадбирлар

АСКАР ОНАЛАРИ ҚУТЛАНДИ

Миробод тумани марказий маданият ва аҳоли дам олиш маркази томонидан ҳарбий телекоммуникация йўналишидаги Тошкент академик лицейида Ватан ҳимоячилари кун муносабати билан «Сизга таъзим, Ватан ҳимоячиларининг оналари» деб номланган тадбир ўтказилди.

Тадбир давомида аскар оналарига туман ҳокимлигининг эсдалик совғалари топширилди. Шунингдек, туман маданият ва спорт ишлари бўлимига қарашли маданият марказлари қошидаги бадий ҳаваскорлик жамоалари қатнашчилари

ҳамда эл суйган хонандалар Д. Комилов, Ш. Зоирова, Т.Аҳмедовлар, «Бинафша» рақс дастасининг рақоса қизларининг чиқишлари кечага ўзгача файз бағишлади.

Ҳабиба ЙҮЛДОШЕВА

Кеча ЎзДЖТУ Халқаро журналистика факультетида Ватан ҳимоячилари кунига бағишланган ҳарбийлар билан учрашув ташкил этилди.

ТАЛАБАЛАР БИЛАН УЧРАШУВ

Унда истеъфодаги подполковник Абдураззоқ Обруев, ҳарбий қисмлардан бирининг офицерлари Одилжон Эрманов, Шерғози Усмонов, кичик сержант Давлатжон Кенжаевлар иштирок этди. Тадбир қатнашчилари ўз фаолиятлари хусусида тўхталиб ўтиш баробарида ҳарбий хизмат ўташ тартиби, соҳадаги сўнгги янгиликлар ҳақида атрофлича маълумот беришди. Тадбир ниҳоясида талабалар ўзларини қизиқтирган саволларга жавоб олишди.

Дилшоха ДАУЛЕТБАЕВА,
ЎзДЖТУ талабаси

Абу Райҳон Беруний номидаги Тошкент Давлат техника университетининг Маънавият ва маърифат бўлими ҳамда «Қамолот» ёшлар ижтимоий ҳаракати бошланғич ташкилоти ташаббуси билан университет ҳарбий кафедраси билан ҳамкорликда Ўзбекистон Миллий университети маданият саройида «Ватан ҳимоячилари кун муносабати билан «Миллий армиямиз — ғуруримиз, ифтихоримиз» мавзусида маънавий-маърифий тадбир ўтказилди.

МИЛЛИЙ АРМИЯМИЗ —
ГУРУРИМИЗ, ИФТИХОРИМИЗ

Унда университетнинг Маънавият ва маърифат бўлими ходимлари, университет ҳарбий кафедраси ўқитувчилари, сержантлар ва ҳарбий таълим соҳасида кўп йиллар самарали меҳнат қилиб келаётган ўқитувчи-офицерлар ҳамда ҳарбий кафедрани таҳсил олаётган талаба-ёшлар иштирок эттишти.

Тадбирда сўзга чиққанлар Мустақиллик йилларида мамлакатимизда Ватанимиз тинчлиги ва халқимиз осойишталигини таъминлашга қодир, ҳар томонлама ривожланган, тезкор ва ҳаракатчан, ташкилий жиҳатдан пухта, замонавий курул-яроғ ва техникага эга миллий армиямиз шакллантирилгани, ҳарбий хизмат-

га лаёқатли ёшларни белгиланган синов ва танлов асосида саралаб олиш тизими йўлга қўйилгани, ушбу жараёнда қақирилувчиларнинг жисмоний тайёргарлиги, ҳарбий ихтисосликларни, замонавий ахборот-компьютер технологияларини ўзлаштириш қобилияти, билими ва интеллектуал салоҳиятига алоҳида эътибор қаратилаётгани армиямизнинг муҳофа қудратини янада оширишга хизмат қилиши ҳақида алоҳида тўхталиб ўтишди.

Халқимиз суйган санъаткорлар ҳамда талаба-ёшлар ўзларининг қизиқarli сажна кўринишлари билан кечага ўзгача файз киритишди

Зафар НАЗАРОВ

Юнусобод тумани ҳокимининг
ҚАРОРИ

ЮНУСОБОД ТУМАНИДА
2014 ЙИЛДА ҚИШЛОҚ
ХЎЖАЛИГИ ВА
МЕЛИОРТИВ ТЕХНИКАНИ,
МАШИНА-ТРАКТОР
ПАРКЛАРИ, УСТАХОНАЛАР
ВА СЕРВИС
ПУНКТЛАРИНИНГ АСБОБ-
УСКУНАЛАРИНИ ТЕХНИК
КЎРИҚДАН ЎТКАЗИШ
ТЎҒРИСИДА

Ўзбекистон Республикаси Вазирлар Маҳкамасининг 2012 йил 6 декабрдаги 345-сон қарори билан тасдиқланган «Ўзбекистон Республикаси Қишлоқ ва сув хўжалиги вазирлигининг Машина ва асбоб-ускуналарнинг техник ҳолатини назорат қилиш давлат бош инспекцияси тўғрисида»ги Низоми (Ўзбекистон Республикаси қонун ҳужжатлари тўплами, 2012 й., 50-сон, 559-модда), Ўзбекистон Республикаси Қишлоқ ва сув хўжалиги вазирининг 2013 йил 2 апрелдаги буйруғи билан тасдиқланган «Қишлоқ хўжалиги ва мелиоратив техникани, шунингдек машина-трактор парклари, устaxonалар ва сервис пунктларининг асбоб-ускуналарини техник кўриқдан ўтказиш тартиби тўғрисида»ги Низом («Ўзбекистон Республикаси қонун ҳужжатлари тўплами», 2013 йил 29 апрель, 17-сон, 229-модда) ижросини таъминлаш ҳамда туманда 2014 йилда қишлоқ хўжалиги ва мелиоратив техника, машина-трактор парклари, устaxonалар ва сервис пунктларининг асбоб-ускуналарини (бундан кейинги матнда техника деб юритилади) ҳар йиллик техник кўриқдан ўтказиш мақсадида,

ҚАРОР ҚИЛАМАН:

1. Юнусобод туманида 2014 йилда мулкчилик шаклидан қатъи назар ташкилотларда қишлоқ хўжалиги ва мелиоратив техникани, машина-трактор парклари, устaxonалар ва сервис пунктларининг асбоб-ускуналарини техник кўриқдан ўтказиш иш режаси 1-иловага ва комиссия таркиби 2-иловага мувофиқ тасдиқлансин.

2. Туман қишлоқ хўжалиги техникалари бўйича давлат инспектори (комиссия раиси) М.Каримкуловага:

техникага мулк ҳуқуқи асосида эга шахсларга (бундан кейинги матнда мулкдор деб юритилади) техникаларни техник кўриқдан ўтказиш тўғрисидаги билдиришномани техник кўриқдан ўтказиш кунидан камида ўттиз кун олдин юборишни таъминлаш;

мулкчилик шаклидан қатъи назар барча русумдаги қишлоқ хўжалиги ва мелиоратив йўл қурилиш техника воситаларини, машина, асбоб-ускуналарни йиллик техник кўриқдан ўтказиш тўғрисидаги иш режаси ва комиссия таркибини юридик ва жисмоний шахсларга етказиш;

мулкчилик шаклидан қатъи назар барча русумдаги қишлоқ хўжалиги ва мелиоратив йўл қурилиш техника воситаларини йиллик техник кўриқдан ўтказиш майдончаларига ййгиш;

техник кўриқдан ўтган техникаларни далолатномалар асосида ишлашга ружсат беришни ташкил қилиш;

техник кўриқдан ўтмаган ёки техник кўриққа тақдим этилмаган техникалар юзасидан мулкдорга эзма кўрсатма берилиши ва қайта техник кўриқдан ўтказиш учун ўн кундан кам бўлмаган муддатни белгилаш;

техникани қайта кўриқдан ўтказиш учун мулкдордан ййғим ундирилмаслиги;

мулкдор кўрсатмада белгиланган муддатда техникани қайта техник кўриқдан ўтказмаган ҳолда туман ҳокимлигига маълумот бериш ишларини амалга ошириш топширилсин.

3. Бошқа туманларда фойдаланилаётган техника ушбу манзилдаги давлат инспектори томонидан техника доимий рўйхатдан ўтган давлат инспекторининг сўровномасига асосан техник кўриқдан ўтказилиши белгилансин.

4. Мулкдорларга: билдиришномани олгандан сўнг техник кўриқ ўтказилишидан камида беш кун олдин техник кўриқдан ўтказиладиган техникалар тўғрисида далолатнома тўлдирилсин;

техник кўриқдан ўтказиш учун белгиланган ййғим тўланганлигини тасдиқловчи ҳужжат техника доимий рўйхатдан ўтган жойдаги давлат инспекторига тақдим этилсин.

5. «Давтехназорат» инспекцияси (С.Хайтов); ташкилотлар раҳбарлари томонидан мазкур қарорни тўлиқ бажариш юзасидан қатъий назорат ўрнатсин.

6. Ушбу қарор 2014 йил 15 январдан кучга киради.

7. Мазкур қарорнинг бажарилишини назорат қилиш туман ҳокимининг биринчи ўринбосари А.Салихов зиммасига юклансин.

Туман ҳокими
Ш.Д.Азимджанов

2014 йил 10 январь

Қарорнинг илова қисми билан Тошкент шаҳар ҳокимлигининг toshkent.uz сайти орқали танишиш мумкин.



Мамлакатимизда кичик бизнес ва хусусий тадбиркорлик субъектларига ажратилган кредитларнинг самарасини янада ошириш учун кенг қўламли иш олиб борилмоқда. Кичик бизнес ва хусусий тадбиркорликка моддий негиз яратиш йўли билан ишлаб чиқариш жараёнини техникавий жиҳатдан янгилаш, айланма маблағ ҳаракатини яхши йўлга қўйиш ва энг муҳими, янги иш ўринлари яратишдек натижаларга эришиш борасида мамлакатимиз банк тизими муҳим ўрин эгаллаб келмоқда.

Банк ва миждоз

ИШОНЧЛИ ҲАМКОР

Боғдорчилик

Бахтигул Алимова,
«Yangiye ulgurji savdo» MCHJ раҳбари:

— «Трастбанк»нинг Термиз филиалидан олинган кредит эвазига узоқ қишлоқ ҳудудларида боғдорчиликни ташкил этдик. Банкнинг молиявий кўмаги асосида бизнес ташаббусларимиз ўз ижобатини топиб, кредит ёрдамида кўшимча даромад жамғарилди. 2014 йилда ишларимиз янада ривож топса, 80 кишига янги иш ўринлари яратишни режалаштирдик. Чунки, мамлакатимизда манзарали, мевали дарахт кўчатларига эҳтиёж тобора ошиб бормоқда. Бизнинг бу соҳани минтақамизда янада ривожлантиришга ҳисса қўйиш ниятимиз бор. Шунингдек, «Трастбанк» ХОАББнинг Термиз филиали жамоаси томонидан ота-боболаримиздан бизга қадар етиб келган кўхна амалий санъатни ривожлантиришга кўмак берилаётгани ва бошқа тур оилавий хунармандлар, амалий санъат усталари фаолиятига, сайёҳлик хизмати мажмуаси равнақи йўлида моддий негиз яратишга алоҳида эътибор қаратилаётганидан хабаримиз бор. Биз яқин келажақда бу соҳаларда ҳам иш юритишни кўзда тутганмиз. Ўтган йили бизга моддий жиҳатдан жуда катта ёрдами теккан «Трастбанк» билан ҳамкорликни яна давом эттирамиз.

Озиқ-овқат маҳсулотлари
ишлаб чиқариш

Боймурод Тўхлиев,
«Sugxandaryo Savdo Impeks» OAJ директори:

— Фаолиятимни бошлаганимда мен оилавий тадбиркор сифатида озиқ-овқат ва ноозиқ овқат маҳсулотларининг улгуржи ва айни пайтда чакана савдоси билан шуғулландим. Ўтган йил аввалида вафли маҳсулоти ишлаб чиқаришни бошлаш нияти пайдо бўлди. Бизнес-режамни тўзиб «Трастбанк»нинг Термиз филиалига мурожаат қилдим ва кўп вақт ўтмай менга 350 млн. сўм миқдорда кредит ажратилди. Бу маблағга Хитой Халқ Республикасидан ана шу фаолиятимга ярайдиган асбоб-ускуналарни сотиб олдим. Айни пайтда кичик корхонамиз тўла қувват билан ишламоқда, кунига ўн икки турдаги, жами икки тонна вафли маҳсулоти ишлаб чиқаряпмиз. Шунингдек, корхонамизда 20 нафар ишчи ишламоқда. Мен ўз вақтида «Трастбанк»ка мурожаат қилганимдан жуда ҳам хурсандман. Чунки ишлаб чиқаришни йўлга қўйганимиздан сўнг оиламиз даромади ошди,

ҳатто хайрия тадбирларида иштирок этиш имконига ҳам эга бўлдик.

Хунармандчилик

Абдуғани Турдалиев,
хусусий тадбиркор:

— Оиламиз узоқ йиллардан буён хунармандчилик билан шуғулланиб келади. Шу боисдан мен ўз вақтида санъат коллежида ўқидим, кейин эса акаларим қўлида ишлаб улурга ёрдамлашиб юрдим. Қўл меҳнатини яхши кўраман. Секин-аста амалий санъат ҳақидаги тасаввурларим бойиди ва мен авлодларимиз донг таратган йўналиш бўйича, яъни терига минимал асбоблар билан тасвир чизиб билан жиддий шуғуллана бошладим. Тенгқурларим билан ижодий ишчи гуруҳи тузиб уни «Турдалиевлар» деб номладик. Ашёлар, нодир бўёқлар сотиб олиш мақсадида «Трастбанк» ХОАББнинг Амалиёт бошқармасига мурожаат қилдик. Улар бизга моддий ёрдам бериб, керакли миқдорда кредит ажратди. Биз авлодлардан авлодларга ўтиб келаётган амалий санъатнинг бу турига қайта янги ҳаёт бағишлай олганимиздан бе-ниҳоя хурсандимиз.

Қурилиш

Тожикул Пўлатов,
«SAM-PLASTIK» хусусий корхонаси директори:

— Қасбим қурувчи бўлганлиги боис, мамлакатимизда халқимизни қулай турар жойлар, корхоналарни эса замонавий офислар билан таъминлаш борасида нақадар катта ишлар олиб борилаётганини яхши тушуниб турибман. 2013 йил «Трастбанк»нинг янги иш бошлаган Самарқанд филиалига бизнес-режамни тақдим этдим. Банк ходимларидан ҳам юридик, ҳам молиявий жиҳатдан маслаҳатлар олдим, режага керакли ўзгаришлар киритилгач, ҳеч қандай сансалорликларсиз менга ўз вақтида ва керакли миқдорда — 200 млн. сўм ҳажмида кредит ажратилди. Унинг эвазига хориждан шифтқи қопловчи пластик ишлаб чиқарадиган дастгоҳлар ва хом ашё сотиб олдим. Икки жойда — Самарқандда ва Ургутда ижарага олинган биноларда ишлаб чиқариш йўлга қўйилди. Ўзим муҳандис технологман, ёнимда яна ўн бир нафар ишчи бор. Маҳсулотимиз харидор-гир. Банкка кредит қарзларини ўз вақтида, кечиктирмай тўлаб борапмиз. 2014 йил — «Соғлом бола йили»да биз «Трастбанк» билан биргаликда ишлаб чиқариш ҳажмини янада кенгайтириш, янги иш ўринларини ташкил қилиш режасини тузамиз.

Ўзининг деярли йигирма йиллик фаолияти давомида «Трастбанк» хусусий очиқ акциядорлик биржа банки ҳам мамлакатимиз молиявий бозорига мустақкам ўрнини эгаллаб, ўзига хос йўналиш, маркетинг сиёсатига эга бўлди.

Таъкидлаш жоизки, ўтган йиллар давомида ушбу банк томонидан 102 та офис очилди, миждозлар негизи 100 миждоз ошган бўлиб, улор орасида республикамиздаги кўплаб йирик компаниялар ва акционерлик жамиятлари бор.

Хусусан, ўтган «Обод турмуш йили»да ҳам «Трастбанк» хусусий очиқ акциядорлик биржа банки жамоаси кичик бизнес ва хусусий тадбиркорликни қўллаб-қувватлаш, соҳа вакиллари бўлмиш доимий миждозларининг ишончини янада қозониш борасида астойдил ҳаракат қилиб келди.Уларга ўз вақтида ва керакли миқдорда моддий мадад бериш ишларида муносиб иштирок этди.

Банкнинг айрим миждозларининг фикрлари билан танишган ҳолда ҳам ушбу молия муассасасининг кичик ва хусусий тадбиркорлик субъектларини кредит билан таъминлаш йўналишларининг нақадар кенг эканлигини билиб олиш мумкин.

Тиббиёт

Нуриддин Раҳимов,
«Behruz odil» MCHJ директори:

— Биз «Трастбанк» ХОАББ Наманган филиалининг миждоз хисобланамиз. 2013 йилда банк билан ҳамкорлигимиз шарофати билан малакали тиббий ёрдам кўмаги кўрсатишга имкон берадиган жиждозлар сотиб олишга муяссар бўлдик. Кредитнинг умумий суммаси 225 млн. сўмни ташкил этди. Шунинг 166 млн. сўмини DC-7 ташхис қўйиш тизимининг ультратовуш комплексини харид қилишга сарфладик. Ноябрь ойида олган кредитимиз эвазига эса фаолиятимизда жуда зарур бўлиб турган FG-29V русумли гастродиброскопга эга бўлдик. Якунига етган «Обод турмуш йили»да «Трастбанк» томонидан бизга ўз вақтида кўрсатилган моддий кўмақдан ниҳоятда миннатдоримиз. Бундай ёрдам тўғрисида аҳолига кўрсатаётган тиббий кўмак сифати ҳам, хизмат маданияти даражаси ҳам сезиларли ўсди. Ҳозирда биз янги беш қаватли бино қурилишини бошлаб юборганмиз. Бино битгач аҳолига кўрсатаётган тиббий хизматимиз кўлами янада кенгайди. Ана шу бўлажак тиббий марказимизни янги замонавий қурилма-ускуналар билан жиждозлашга навбат келганда биз яна «Трастбанк»ка мурожаат қиламиз.

Мамлакатимизда ёшларнинг билимли, хунарли, жисмонан соғлом, маънан етук бўлиб камол топиши йўлида барча шароитлар яратилган.

ИСТЕЪДОДЛАРИНИ НАМОЁН ЭТИШМОҚДА

Ўсиб келаётган авлоднинг ижодий қобилатларини аниқлаш ва ривожлантириш, ўқувчиларга меҳнатсеварлик руҳини сингдириш, шунингдек, уларнинг бўш вақтдан оқилона фойдаланишига йўналтирилган мактабдан ташқари ишлар тизимини тубдан такомиллаштириш мақсадида Ўзбекистон Республикаси Вазирлар Маҳкамасининг 2011 йил 28 февралдаги «Мактабдан ташқари таълим тизимини янада такомиллаштириш чора-тадбирлари тўғрисида»ги қарори асосида 2011 йилнинг 1 июнидан Тошкент шаҳар «Баркамол авлод» болалар маркази ўз фаолиятини бошлаган.

Бугунги кунда шаҳар «Баркамол авлод» болалар марказида техник иходкорлик, бадий ижодиёт, ўлкашунослик ва экология йўналишлари бўйича тўғра рақар фаолият кўрсатмоқда. Уларда шахримиздаги 100 дан ортиқ мактабларнинг 943 нафар ўқувчилари турли соҳалар бўйича малакаларини оширмоқда.

Қувонарлиси, марказда ўз маҳоратларини ошираётган болажонлар қатор халқаро, республика, шаҳар кўрик-танловларида иштирок этиб, лауреатлик дипломларини қўлга киритдилар. Болалар марказининг «Мароқлидир киши таълим» шiori остида киши таътил режаси асосида кўплаб маърифий-маданий тадбирлар ўтказилди. Хусусан, «Қор маликаси» спектакли тақдими, ўрта ва катта ёшдаги тўғра рақар аъзолари учун Янги йил бали, Ўзбекистон — Япония инсон ресурсларини ривожлантириш Маркази билан ҳамкорликда оригами санъати бўйича маҳорат дарси, «Либослар дизайни» тўғраги аъзолари ўртасида «Қиш зийнати либосларда», «Еш мусаввир» тўғраги аъзолари ўртасида «Киши таътилдаги орзум» номида ижодий кўргазмалар ташкил этилди ва ғолиблар тақдирланди.

Зиёда РАСУЛОВА
Ислом Исмоилов олган суратлар



Янги туғилган гўдакни кўрганнингизда беихтиёр қувончдан кўзингизга ёш келади. У жуда митти ва мурғак, беғубор ва кўркам. Боланинг соғлом дунёга келганининг ўзи бир мўъжиза. Унинг соғлом бўлиши энг аввало оналарга боғлиқ. Оналар саломатлигини яхшилаш ва туғиладиган боланинг соғлиги учун тиббиёт ходимлари тиниб-тинчимай, туғиларни бедор ўтказиб, меҳнат қилмоқдалар.

Соғ танда — соғлом ақл, дейди доно халқимиз. Бу мақолнинг замирида катта маъно муҳасам. Биз ҳар қанча ҳаракат қилсак-да, соғлигимизга етарли даражада вақт ажратма олмаймиз. Бунинг учун ҳар бир кишидан эътибор ва шифокор кўригидан йилда икки марта таътил ўтиш учун вақт талаб қилинади.

2014 йил — Соғлом бола йили СОҒЛОМ БОЛА — ЮРТ БОЙЛИГИ

яти жиҳатдан она ва бола саломатлигига қараб, бинобарин, бола туғилганидан сўнг, уни турли касалликларга қарши эмлаш, шунингдек, тиббий кўриқдан тез-тез ўтказиб турилиши, боланинг соғлом вояга етишида муҳим ўрин тутди. Шу жумладан, врачлик пункти ҳамширалари ҳам маҳаллаларда она ва боланинг саломатлигини таъминлаш учун турли тадбирларни амалга оширишмоқда. Янги оила қураётган ёшларнинг ҳар томонлама соғлом бўлиши учун тиббий кўриқнинг жорий қилингани ҳам айни мuddао. Шу ўринда барча таълим муассасаларида ҳар йили ўтказиладиган тиббий кўрик ҳам турли касалликларнинг олдини олишга ёрдам беришини таъкидлаб ўтиш лозим.

она нимжон бўлса, бола ҳам шундай вояга етади. Шу боис ҳам ота-оналар қизларини катта ҳаётга тайёрлаб беришлари керак. Оилада фарзанд туғилишига қадар, яъни тўққиз ой давомида бўлажак онанинг саломатлигига алоҳида эътибор бериб туриш лозим. Туғруқ даврига келиб эса она ва боланинг соғлиги учун кўпроқ ғамхўрлик қилиш керак. Бола туғилганидан сўнг эса кейинги фарзанд туғилиш оилага яқин бўлмаслигига риоя қилиш мақсадга мувофиқдир.

Таълим ҲАМКОРЛИК ЛОЙИҲАСИ ДОИРАСИДАГИ ТРЕНИНГ

Тошкент меҳмонхона хўжалиги коллежида «Туризм учун инглиз тили» ҳамкорлик лойиҳаси доирасида Британия Кенгаши ва Ўзбекистон Республикаси Олий ва ўрта махсус таълим вазирлиги қoшидаги ўрта махсус, касб-хўнар таълим маркази томонидан тренинг ташкил этилди.

Таъкидлаш жоизки, инглиз тили бугунги кунда ҳар қандай замонавий мутахассис учун ўта зарур муомала воситаси ҳисобланади. Касб-хўнар коллежларида бу йўналишдаги таълим ҳақида сўз борганда, бўлажак кадрларнинг ўз соҳаси бўйича ишга жойлашиши масаласи кўтарилди. Тадбир ташкилчиларининг айтишича, ўрта махсус таълим тизимида битирувчиларнинг малакали кадрлар бўлиб етишишида ҳаётга татбиқ этилаётган «Махсус мақсадлар учун инглиз тили» курслари анча долзарб ҳисобланади. Зеро, юқоридаги лойиҳа шу курслар бўйича коллежларда дарс бераётган ўқитувчиларнинг Буюк британиялик мутахассислар томонидан қайта ўқитилиши ва натижада ўқувчилар салоҳиятини ошириш имконини беради. Эслатиб ўтамиз, бу тренинглар лойиҳа дастури бўйича иккинчиси бўлиб, дастлабкилари 2013 йил август ойида муваффақиятли тарзда ҳаётга татбиқ этилган эди.

— Маълум мутахассислик бўйича инглиз тилини ўқитиш таълим тизимимизда янги ва ўта муҳим йўналиш бўлди. — Аваллари биз ўқувчиларга инглиз тили грамматикаси, умумий қоидалари ўргатар эдик. Замон талаби билан энди ушбу йил давомида ўқувчилар туризм соҳаси терминологияси, иш юритиш ҳужжатлари, соҳада қўлланиладиган қуandleлик суҳбатларни ўрганишди, — дейди биз билан суҳбатда Тошкент туризм коллежининг инглиз тили ўқитувчиси Зилола Каримова. — Бу эса хориқликлар билан ишлайдиган бўлажак таржимон, меҳмонхона ходимлари ёки бошқа мутахассисларга иш фаолияти давомида жуда асосқатди. Бугунги тренинг менга ва ҳамкасбларимга ушбу курс бўйича ўқитишнинг энг самарали усулларини ўрганишга имкон берапти.

Муруват НОРМАТОВА,
ЎзДЖТУ талабаси



КЕЛАЖАГИМИЗ ТАЯНЧЛАРИ СОҒ БЎЛИШСИН

Чилонзор туманидаги 36-оилавий поликлиника педиатр шифокори Зухра Норхўжаева билан болалар ва уларнинг ота-оналари хўшмуомала, беморлар қалбига йўл топа оладиган юқори малакали врач сифатида ҳурмат қилинади.

— Ўз ишига ёндашуви, жонқуярлиги, юқори касб маҳоратига эга бўлганлиги сабабли Зухра Анваровна барчамизнинг эътиборимизни қозонган, — дейди бир ярим ёшли Саидкорим Жўраевнинг онаси Гўлнора Аминова. — Менинг икки фарзандим бор ва уларнинг доимо тектик ҳамда соғлом бўлиб юришларида ушбу болалар шифокорининг ўзига ҳос ҳиссаси бор.

миз эгалари бўлиши фарзандларимизнинг соғлом ва дуржун ҳолда, чиниқиб ўсишларида Зухра Норхўжаева каби жонқуяр шифокорлар муҳим ўрин тутди. Шундай ҳақматқаш инсонларга келгуси ишларида муваффақиятлар тилаб қўлимаз.

Даврон НУРМАТОВ
СУРАТДА: Зухра Норхўжаева навбатдаги болаларнинг кўздан кечирмоқда
Алексей Попов олган сурат

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

«Capital Realtor Group» МЧЖда 2014 йил 11 февраль кuni соат 11:00 да бўлиб ўтadиган объект бошланғич баҳоси ошиб бориш тартибда ўтказиладиган очик аукцион савдосига қуйидаги кўчмас мулклар тақдоран қўйилмоқда:

1. Суд қарорларни ижро этиш, судлар фаолиятини моддий-техника жиҳатидан ва молиявий таъминлаш Департаменти томонидан, Жиноят ишлари бўйича Тошкент шаҳар судининг 2012 йил 12 февралдаги ЖСХ-1-69/12-сонли ижро варақасига асосан хатланган, Тошкент вилояти, Қўрай тумани, Оқ қовоқ ҚФЙ, Оқ олтин маҳалласида жойлашган, умумий майдони 643,0 кв.м., қурилиш ости участка майдони 180,92 кв.м, бўлган тураржой. Бошланғич нархи — 107 760 000 сўм.
2. Суд қарорларни ижро этиш, судлар фаолиятини моддий-техника жиҳатидан ва молиявий таъминлаш Департаменти томонидан, Жиноят ишлари бўйича Тошкент шаҳар судининг 2012 йил 5 мартдаги ЖСХ-1-69/2012-сонли ижро варақасига асосан хатланган қуйидаги кўчмас мулклар:
1. Наманган вилояти, Наманган шаҳар, 2-ноҳиясида жойлашган, ер майдони 0,29 га, қурилиш ости майдони 1081,75 м.кв., ҳозир-

«CAPITAL REALTOR GROUP» МЧЖ очик аукцион савдоларига тақлиф этади!

қуйидаги биринчи ва иккинчи ер участкаларининг умумий майдони 0,59 га бўлиб, қурилиш ости майдони 3999,30 м.кв. ни ташкил этади, 8 та шохобчадан иборат автоустахона, 4 автомашинага мўлжалланган автоулик шохобчасидан иборат савдо ва хизмат кўрсатиш мажмуасидаги бино иншоотлари. Бошланғич нархи — 1 317 621 690 сўм.

2. Тошкент шаҳар, Олмазор тумани, Чангалзор-Мавзук кўчаси, 3-уйда жойлашган, ер участкасининг умумий майдони 15844,0 м.кв., фойдаланиш майдони 2892,3 м.кв., ўн бешта бинодан иборат «Ишлаб чиқариш ҳудуди» бино иншоотлари. Бошланғич нархи — 2 808 670 000 сўм.

3. Тошкент шаҳри, Олмазор тумани, Кичик халқа йўли кўчаси, 5А-уйда жойлашган, умумий ер майдони 4611 м.кв., фойдаланиш майдони 1782,2 м.кв., тўртта бина ва иккита ҳовуз мавжуд бўлган «Чойхона» (Сабо тўйхона) биноси. Бошланғич нархи — 4 075 660 000 сўм.

4. Тошкент вилояти, Қўрай тумани, Тузель Қ.Ф.Й.да жойлашган, умумий майдони 6377,43 м.кв., қурилиш ости майдони 1121,4 м.кв., ҳозирги кундаги ҳолати бўйича қурилиш ости майдони 1345,65 м.кв., бир қаватли, асосий биналар сони 13 та, ҳозирги кундаги фактик асосий биналар сони 11 та, кадастр ҳужжатида кўрсатилган жами 201,29 м.кв. бўлган қурилмалар, яъни ер ўла биноси, хизматчи бино, қурилиши тугалланмаган устахона, иккита бостирма бузиб ташланган «Автосарой» бино иншоотлари. Бошланғич нархи — 604 310 000 сўм.

5. Тошкент вилояти, Бўстонлик тумани, Бурчмулло кишлоғи, Д. Тустемов кўчасида жойлашган, умумий майдони 792 м.кв., қурилиш ости майдони 730,4 м.кв., икки қаватли, асосий биналар сони 2 та, ёрдамчи биналар 7 та, биринчи қаватдаги оромхона яшаш ҳолатига келтирилиб, қайта таъмирланган дала ҳовли. Бошланғич нархи — 653 690 000 сўм.

6. Тошкент шаҳри, Юнусобод тумани, Марказ-5 мавзеси, 36-уй, 3 ва 7-хонадонларда жойлашган, умумий майдони 155,0 м.кв., тўққиз қаватли бино биринчи қаватининг бир қисми, асосий хоналар сони 12 та бўлган «Сартарошхона ва дўкон»

(офис) биноси. Бошланғич нархи — 379 280 000 сўм.

Юқоридаги кўчмас мулклар билан тегишли суд ижрочилари бўлими вакиллари иштирокида бевосита жойига чиқиб танишиш мумкин. Аукцион савдоларига иштирок этиш учун талабгорлардан аризаларни ҳар кuni (дам олиш ва байрам кунларидан ташқари) соат 10:00 дан 16:00 гача қабул қилинади ва савдолар бошланишига бир иш кuni қолганда соат 16:00 да тўхтаилади. Аукцион савдосида катнашиш истагида бўлган талабгорлар автотранспорт воситаси (мулк) бошланғич баҳосининг 10 фоизи миқдоридан кам бўлмаган закалат пулини тўлов ҳужжатида ижро ҳужжати рақами ва санасини кўрсатган ҳолда ҳар бир мулк учун алоҳида тартибда савдо ташкилотчиси — «Capital Realtor Group» МЧЖнинг «Капиталбанк» ОАТБ Мирзо Улўбек филиалидаги қуйидаги ҳисоб рақамига тўлашлари шарт: № 2020800020492751003, МФФ: 01018, СТИР: 207126662. Аукцион ғолиби сотиб олган мулк қийматини 5 банк кuni мобайнида тўлашига тўлаши шарт.

Манзил: Тошкент шаҳри, Қўшбеги кўчаси, 18-уй. Телефон: (8371) 250-19-24. Лицензия: № RR-0017.

РЕКЛАМА ВА ЭЪЛОНЛАР

Ўзбекистон Республикаси Марказий банкнинг Республика Инкассация хизматида автомашина ҳайдовчилари доимий ишга тақлиф этилади

ТАЛАБЛАР:
Ҳайдовчилар маълумоти ўрта махсус, «В», «ВС», «BCD», «ВСЕ» ёки «BCDE» тоифадаги ҳайдовчилик гувоҳномасига эга ҳамда охириги уч йил ичида тегишли тоифадаги транспорт воситаларида ҳайдовчи бўлиб ишлаган, ушбу меҳнат фаолияти меҳнат дафтарчаси билан тасдиқланган, 35 ёшдан ошмаган, амалдаги мuddатли ҳарбий хизматни ўтаган ёки захирадаги офицер бўлиши ва Тошкент шаҳрида доимий рўйхатдан ўтган бўлиши лозим.

Манзил: Тошкент ш., Шайхонтоҳур тумани, А.Навоий кўчаси, 19-уй. Телефонлар: 244-05-29, 244-06-95, 244-56-37.

«AGRO SANOAT MULK MARKAZI» МЧЖ очик аукцион савдоларига тақлиф этади!

2014 йил 4 февраль кuni соат 11:00 да, Тошкент шаҳри, Қўшбеги кўчаси, 18-уйда, бошланғич нархи босқичма-босқич ошиб бориш тартибда ўтказиладиган очик аукцион савдоларига қуйидаги мол-мулклар қўйилмоқда:

1. Миробод туман СИБ томонидан 2012 йил 1 августдаги 14744/6-сонли ижро варақасига асосан хатланган, «Numizmatika» МЧЖ жарима майдончасида сақланаётган, 2001 йилда и/ч дав. бел. X 195 BCN бўлган «Тайота Камри» русумли автотранспорт воситаси. Бошланғич нархи 21 823 731 сўм.
2. Республика Суд департаменти томонидан 2012 йил 5 мартдаги 1-69/12-сонли ижро варақасига асосан хатланган, «Шарқли Мелиса» МЧЖ жарима майдончасида сақланаётган: 1. 1984 йилда и/ч дав. бел. 10 AZ 010 бўлган «Камаз-5320» русумли автотранспорт воситаси. Бошланғич нархи 28 129 000 сўм.
2. 1981 йилда и/ч дав. бел. 10 BE 430 бўлган «Камаз-5311» русумли автотранспорт воситаси. Бошланғич нархи 27 574 000 сўм.
3. 1984 йилда и/ч дав. бел. 10 BE 429 бўлган «Камаз-5511» русумли автотранспорт воситаси. Бошланғич нархи 28 223 000 сўм.
4. 1991 йилда и/ч дав. бел. 10 BA 712 бўлган «Камаз-5320» русумли автотранспорт воситаси. Бошланғич нархи 28 752 000 сўм.
5. 2008 йилда и/ч дав. бел. 01 767 САА бўлган «Газ-2752-414» русумли автотранспорт воситаси. Бошланғич нархи 37 321 000 сўм.
6. 2012 йил 23 июлдаги 1-185/12-сонли ижро варақасига асосан хатланган, 2007 йилда и/ч дав. бел. 01 R 216 JA бўлган «Лексус GX470» русумли автотранспорт воситаси. Бошланғич нархи 160 507 000 сўм.
7. 2012 йил 23 июлдаги 1-185/12-сонли ижро варақасига асосан хатланган, 2008 йилда и/ч дав. бел. 10 701 ААА бўлган «NISSAN ALTIMA» русумли автотранспорт воситаси. Бошланғич нархи 62 308 000 сўм.
8. 2012 йил 23 июлдаги 1-185/12-сонли ижро варақасига асосан хатланган, 2008 йилда и/ч дав. бел. 10 707 ААА бўлган «Тайота Прадо» русумли автотранспорт воситаси. Бошланғич нархи 128 746 000 сўм.

Савдога қўйилган мулклар билан талабгорлар тегишли суд ижрочилари бўлимининг вакиллари иштирокида бевосита жойига чиқиб танишишлари мумкин. Аукцион савдоларида катнашиш учун талабгорлардан аризалар эълон қилинган кундан бошлаб ҳар кuni (дам олиш ва байрам кунларидан ташқари) қабул қилинади ва савдо бошланишига бир иш кuni қолганда соат 16:00 да тўхтаилади. Ушбу аукцион савдоларида катнашиш учун талабгорлар мулк бошланғич баҳосининг 10 фоизидан кам бўлмаган миқдордаги закалат пулини ҳар бир мулк учун алоҳида тартибда савдо ташкилотчиси — «Agro sanoat mulk markazi» МЧЖнинг «Капиталбанк» ОАТБ Мирзо Улўбек филиалидаги қуйидаги ҳисоб рақамига тўлашлари шарт: 2020800080494804002, МФФ 01018, СТИР 302159464.

Манзил: Тошкент шаҳри, Қўшбеги кўчаси, 18-уй. Тел: 250-83-29.

Гувоҳнома: 006388.

«SPARETRA» МЧЖ ИХТИСОСЛАШТИРИЛГАН КОРХОНАСИ бошланғич баҳоси босқичма-босқич ошиб бориш тартибда ўтказиладиган очик аукцион савдосига тақлиф этади!

Савдога қуйидаги автотранспорт воситалари (мулклар) қўйилмоқда:

1. Олмалик шаҳар СИБ томонидан 19.05.2008 й. № 2777-сонли ижро ҳужжатида асосан 1984 й. и/ч. Москва 412, д/р. 11 V 6328. Бошланғич баҳоси — 437 940,29 сўм.
2. Олмалик шаҳар СИБ томонидан 10.02.2013 й. № 433-сонли ижро ҳужжатида асосан 1985 й. и/ч. Урал, д/р. 6981 ТША. Бошланғич баҳоси — 708 833 сўм.
3. Олмалик шаҳар СИБ томонидан 31.05.2010 й. № 8252-сонли ижро ҳужжатида асосан 1983 й. и/ч. Ваз 2105, д/р. 11 G 2126. Бошланғич баҳоси — 1 763 945 сўм.
4. Олмалик шаҳар СИБ томонидан 17.06.2010 й. № 9297-сонли ижро ҳужжатида асосан 1987 й. и/ч. Газ 24, д/р. 11 T 8467. Бошланғич баҳоси — 553 814 сўм.

Аукцион савдоси 2014 йил 30 январь кuni соат 11:00 да бўлиб ўтади. 5. Ҳамза тумани СИБ томонидан 19.12.2012 й. № 1-2968/12-сонли ижро ҳужжатида асосан 1993 й. и/ч. «Ваз 21053» д/р. 01 X 319 ОА. Бошланғич баҳоси — 7 553 000 сўм.

Аукцион савдоси 2014 йил 17 февраль кuni соат 11:00 да бўлиб ўтади. Юқоридаги автотранспорт воситалари (мулклар) билан тегишли суд ижрочилари бўлими вакиллари иштирокида бевосита жойига чиқиб танишиш мумкин. Аукцион савдоларида иштирок этиш учун талабгорлардан аризаларни ҳар кuni (дам олиш ва байрам кунларидан ташқари) соат 10:00 дан 16:00 гача қабул қилинади ва савдолар бошланишига бир иш кuni қолганда соат 16:00 да тўхтаилади. Аукцион савдосида катнашиш истагида бўлган талабгорлар автотранспорт воситаси (мулк) бошланғич баҳосининг 10 фоизи миқдоридан кам бўлмаган закалат пулини тўлов ҳужжатида ижро ҳужжати рақами ва санасини кўрсатган ҳолда ҳар бир мулк учун алоҳида тартибда савдо ташкилотчиси — «Capital Realtor Group» МЧЖнинг «Капиталбанк» ОАТБ Мирзо Улўбек филиалидаги қуйидаги ҳисоб рақамига тўлашлари шарт: № 20208000904887305001, МФФ: 01103, СТИР: 301829604. Аукцион ғолиби сотиб олган автотранспорт воситаси (мулк) қийматини 5 банк кuni мобайнида тўлашига тўлаши шарт. Манзил: Тошкент шаҳри, Юнусобод тумани, 17-даҳа, 3-уй, 1-хонадон. Телефон: (8371) 212-89-55.

«Шарқ» наشريёт-матбаа акциядорлик компанияси жамоаси компания меҳнат ва иш ҳақи бўлими бошлиғи Зилъра Мазитовна Асадуллинга волидаи муҳтарамаси

Муслима Галихановна ГАТИЯТОВАНING вафот этганлиги муносабати билан марҳуманинг оила аъзолари ва яқинларига чуқур таъзия изҳор этади.



Мухаммад Амин (ЎЗА) олган суратлар

2014 йил — Соғлом бола йили

СОҒЛОМ КELAJAK АСОСИ

сафи йилдан йилга кенгайиб бораётгани ҳам бунинг амалий тасдиғидир.

Мақтабда ўғил-қизларнинг ўзлари қизиққан спорт тури сирларини пухта ўзлаштириши учун барча шароит яратилган. Очик футбол майдони, қишқи спорт зали, тренажёр зали, шунингдек, тиббиёт, ювенил ва кийим алмаштириш хоналари улар ихтиёрида. Ўтган йили мактабга Болалар спортини ривожлантириш жамғармаси томонидан қўшимча спорт анжомлари берилгани машғулотларни янада юқори савияда ташкил этиш имконини оширди.

Бу ерда болалар йилига икки марта тиббий кўрикдан ўтказилиб, уларнинг саломатлиги, жисмоний ва руҳий ҳолати қайд этиб борилади. Ўтган йилги тиббий кўрик натижалари ўғил-қизларнинг бўйи ўсгани, вазни мөъёрлашганини кўрсатди. Спорт билан мунтазам шуғулланаётган болалар тез-тез учраб турадиган касалликларга чалинмаётгани ота-оналарни хушнуд этмоқда.

Мақтаб тарбияланувчилари турли мусобақаларда фаол иштирок этиб, юқори натижаларга эришмоқда. Нуфузли мусобақаларда голиб ва совриндорлар қаторидан жой олиб келаётган Илҳом Турсунбоев, Мурод Бобоев, Шерзод Аденов, Абдулла Ёқубов ва Иброҳим Назарбоев сингари иқтидорли боксчилар спорт мактабининг фахри ҳисобланади.

Бугунги болаларнинг шижоатига ҳавас қилса арзийди, — дейди бокс мураббийи Шерзод Тожиёв. Шогирдларимнинг ҳаммаси иқтидорли, ўзига нисбатан ишончи банд. Ҳатто машғулотлардан кейин ҳам мактабдан кетгиси келмайди. Бу бежиз

эмас, албатта. Зеро, болаларнинг жисмоний тарбия ва спорт билан мунтазам шуғулланиши учун яратилган кенг имконият ва шароитлар уларнинг спортга қизиқишини кучайтириб, ҳаётга нисбатан қатъий позицияни шаклланиши ва келажакка ишончи ортишига хизмат қилмоқда.

Бадиий гимнастика секцияси қизларнинг энг сеvimли масканларидан. Бугунги кунда секцияда 50 нафарга яқин қиз Камола Хидирова ва Сурайё Мирзахмедова каби малакали мураббиялардан нафис спорт сирларини ўрганмоқда. Мақтабда ўтказилаётган турли мусобақалар уларнинг тажриба ва маҳоратини оширишга хизмат қилмоқда.

Футбол секциясида 200 нафардан зиёд бола ўн етти гуруҳда мунтазам шуғулланади. Бўлғуси футболчиларнинг шаҳар ва мамлакат биринчиликларида, халқаро турнирларда муносиб иштирок этиб келаётгани бу ерда иқтидорли ўшларни тарбиялашга қаратилган алоҳида эътибор самарасидир. Буни спорт мактабининг тарбияланувчилари «Бунёдкор» ва «Пахтакор» жамоалари академияларига қабул қилинганида ҳам кўриш мумкин.

— Саккиз ойдан бери футбол билан мунтазам шуғулланаман, — дейди мактаб тарбияланувчиси Шахриёр Маҳмудов. — Машғулотларни қолдирмасликка ҳаракат қиламан. Чунки бу ерда ҳар бир машғулот фойдали ва қизиқарли ўтади. Орзуим — Ўзбекистон терма жамоаси сафида тўп суриш.

Байрам АЙТМУРОДОВ, ЎЗА мухбири

Давлатимиз раҳбари Ислам Каримов Конституциямиз қабул қилинганининг 21 йиллигига бағишланган тантанали маросимдаги маърузасида Соғлом бола йилининг мақсад ва вазифалари хусусида тўхталар экан, соғлом болани вояга етказишда таълим-тарбия ҳамда спортнинг ўрни ва таъсирини янада кучайтириш лозимлигини алоҳида таъкидлади.



МАШРИҚЗАМИН — ҲИКМАТ БЎСТОНИ

Сўз зарби тиг зарбидан кучли.

* * *

Ўзига баҳо беришда кишининг одил бўлиши қийин.

* * *

Умиднинг жони қаттиқ.

* * *

Дунё кенг, биздан ҳам кенг бўлишни талаб қилади.

* * *

Ҳар қандай кучли дори-дармон ҳам бир мартада таъсир қилавермайди — уни кўп марта қабул қилиш керак бўлади. Шунга ўхшаб, тарбия ҳам узлуксиз бўлиши керак — бир гапирдим, бўлди деб, йиғштириб қўймаган маъқул.

* * *

Ғийбатнинг тили узун.

* * *

Одамлар бошқаларга маслаҳат берадилару ўзлари бировнинг гапига кирмайдилар.

* * *

Бойлик ҳирси чоҳга етаклайди.

* * *

Бир ерда тўхтаб қолиш таназзул белгиси.

* * *

Эҳтиётини қилган панд емайди.

* * *

Кайфиятнинг доимий яхшилиги ҳам донолик белгиси.

* * *

Мингта сўздан битта иш афзал.

* * *

Ўзига ишонмаган ҳаммадан хавфсирайди.

* * *

Ишончи йўқнинг қувончи йўқ.

* * *

Яхшилик ошкордир, ёмонлик пинҳон.

* * *

Ким сабаб бўлади, ким воситачи.

* * *

Ҳаёт бир дарё бўлса, ким унинг тубидаги дур-гавҳар, ким юзидаги хас-чўп.

* * *

Ҳеч ким туғма табиатидан устун чиқолмаган.

* * *

Худбининг кўзи фақат ўзини кўради.

* * *

Чинакам бахтга ҳамиша бир баҳя етмайди.

* * *

Дилдан ўтмай тилга кўчмас.

(Давоми бор)

Спорт янгиликлари

ҲАЛИ ИМКОНИЯТ БОР

Иммонда футбол бўйича 22 ёшли чарм тўп усталари ўртасида ўтказилаётган Осие чемпионати қизгин паллага кирди.

Осие чемпионати гуруҳларида иккинчи тур баҳслари бўлиб ўтди. «Д» гуруҳида Шухрат Мақсудов бош мураббийлигидаги Ўзбекистон ёшлар терма жамоаси иккинчи турда ироқлик тенгқурлари билан куч синашди. Айтиш жоизки, ушбу беллашувда ироқликлар устун келишди ва натижа ҳам шунга яраша бўлди. Баҳс 2:1 ҳисобида ироқлик футболчилар ғалабаси билан якунланди. Хамюртларимиздан Жамшид Искандаров голга муаллифлик қилди.

Дастлабки баҳсда хитойликларни 2:1 ҳисобида енга олган Шухрат Мақсудов шогирдларида кейинги босқичга чиқиш учун имконият сақлашиб турибди. Бунинг учун ёшларимиз сўнгги беллашувда Саудия Арабистони терма жамоасини мағлубиятга учратишлари, ҳеч бўлмаганда дуранг натижага қайд этишлари керак. Ушбу турнинг Саудия Арабистони — Хитой терма жамоалари баҳси 2:1 ҳисобида араб футболчиларининг ғалабаси билан якунланди.

Ақбар ЙЎЛДОШЕВ

Ҳиндистоннинг Деҳли шаҳрида шахмат бўйича давом этаётган «12th Delhi International Grandmasters Chess Tournament - 2014» халқаро турнирида дунёнинг ўндан зиёд мамлакатидан 120 нафардан ортиқ спортчи голиблик учун куч синашмоқда.

ШАХМАТЧИМИЗ ПЕШҚАДАМЛАР САФИДА

Мусобақада мамлакатимиз шарафини ҳимоя қилаётган шахматчиларимиз учун бешинчи тур омадли келди. Мағлубиятсиз дона суриб, пешқадамлар сафида бораётган мамлакатимиз чемпиони Бобур Сатторов мазкур турда грузиялик гроссмейстер Торнике Саникидзе устидан зафар кучди ва очколари сонини тўрттага етказди.

Шунингдек, ушбу турда шахматчиларимиздан ФИДЕ устаси Сар-

виноз Қурбонбоева мезбонлар вакили Викрамадитя Кулкарини мағлубиятга учратди. Халқаро гроссмейстеримиз Марат Жумаев, ёш шахматчиларимиз Улуғбек Тиллаев ва Бобур Сатторов ҳиндистонлик шахмат усталари — Рат Накаран, Вав Ражеш ва Лакшми Нараянан билан дуранг ўйнади.

Зоҳир ТОШХЎЖАЕВ, ЎЗА мухбири

Мутахассис маслаҳати

ГРИПП АСОРАТЛАРИДАН ЭҲТИЁТ БЎЛИНГ

Грипп — ўта юқумли вирусли касаллик бўлиб, аҳоли ўртасида тез ва осон тарқалиши билан бошқа хасталиклардан фарқ қилади. Касаллик манбаи бемор одам ҳисобланади ва грипп ҳаво-томчи йўли орқали бошқа кишиларга юқади.

Грипп эпидемиясининг вужудга келиши йилнинг совуқ ойлари (ноябрь, март)га тўғри келади. Касаллик тўсатдан, ўткир тарзда бошланади. Унинг белгилари: айниқса, пешона ва кўз усти соҳаларида, қаттиқ бош оғриши, бош айланиши, мадорсизлик, мушакларда ва кўз соқчаларида оғриқ, нафас сиқиши билан бошланади. Касалликнинг биринчи соатлариданоқ тана увишади, ҳарорат 38-40 даражагача кўтарилди ва ушбу ҳолат 2-5 кун давом этади.

Грипп ва ўткир респиратор вирусли инфекция (ЎРВИ) билан оғриган барча беморлар иситма даврида албатта ётиши ва шифокорни уйига чақиритиш лозим. Шунингдек, калорияли, сервитамин парҳез таомлар билан бирга бир суткада 1,5-2 литрча суюқлик (чай, мева шарбатлари, иссиқ сут, малинали, лимонли чай, минерал сувлар) истеъмол қилишлари керак. Дори-

лардан касалликнинг биринчи кунини интерферон, ремантадин, аскорбин кислота тавсия этилади.

Гриппнинг асоратсиз ўтиши учун антибиотик ва сульфаниламидлардан фойдаланмаслик керак. Ушбу касаллик билан курашиш тиббиётда икки йўналишда олиб боришмоқда.

Биринчиси, организмнинг касалликка қарши курашиш хусусиятини ошириш мақсадида аҳолини эмлаш, яъни вакцинопрофилактика қўлланилади.

Иккинчиси, инсон ўзини касалликдан муҳофаза қилиши, яъни танани чиқитириши, бадантарбия билан мунтазам шуғулланиб, овқатланишга алоҳида аҳамият бериши лозим. Шунингдек, кўпроқ очик ҳавода юриш, совуқ кунларда иссиқ кийиниш, албатта бош кийим кийиш, оёқ кийим иссиқ ва қуруқ бўлиши жуда муҳимдир.

Тошкент Оқшоми

Манзилимиз: 100029, Тошкент шаҳри, Матбуотчилар кўчаси, 32

ТЕЛЕФОНЛАР: Эълолар: 233-28-95, факс: (371) 232-11-39

2007 йил 19 январда Тошкент шаҳар Матбуот ва ахборот бошқармасида 02-1-рақам билан руйхатга олинган

Нашри етказиб бериш масалалари буйича турар жойлардаги почта булимларига ёки «Тошкент почтамати»га — 233-74-05 телефонига мурожаат қилишингиз мумкин.

Газета таҳририят компьютер марказида терилди ва саҳифаланди

МУАССИС: ТОШКЕНТ ШАҲАР ҲОКИМЛИГИ

Бизнинг электрон манзил: vto2007@mail.uz

Буюртма Г-156

Душанба, сешанба, chorshanba, пайшанба ва жума кунлари чиқадди. Нашр кўрсаткичи — 563

Ҳажми — 2 босма табоқ, офсет усулида босилади. 12877 нусхада босилди. Қўғоз бичими А-2

Топшириш вақти: 13.00

Босишга топширилди: 14.20

«Шарқ» нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41-уй

Бosh муҳаррир Акмал АҚРОМОВ